

BAB V

KACINDEKAN JEUNG SARAN

5.1 Kacindekan

Panalungtikan ieu dijudulan “Kasenian Bring-brung di Kalurahan Ledeng Kacamatan Cidadap Kota Bandung pikeun Bahan Pangajaran Maca di SMA”. Kasenian Bring-brung lahir jeung mekar di Kalurahan Ledeng kacamatan Cidadap Kota Bandung. Ieu panalungtikan dikasangtukangan ku sabab Kasenian Bring-brung terus ngalaman parobahan-parobahan nu luyu kana parobahan jaman nu mawa pangaruh kana lunturna seni tradisional ku kamajemukan seni modern jeung pola pikir masarakat, hal ieu nu méré tanda yén masarakatna teu konsistén dina ngokolakeun ieu kasenian nepika grup Bring-brung tinggal nyésa hiji. Ieu panalungtikan ngagunakeun ulikan struktural-sémiotik numutkeun tiori Charles Sander Peirce nu ngabédakeun tilu rupa tanda nurutkeun sipat patalina antara *penanda* jeung *petanda* nya éta: 1) ikon; 2) indéks; jeung 3) simbol.

Panalungtikan ngajawab tilu rumusan masalah nu aya dina ieu skripsi. Kasang tukang kasenian Bring-brung di Kalurahan Ledeng dimimitian ku asupna ajaran Islam ka Sunda nu nyebankeunana ngaliwatan média kasenian nya éta seni terebang nu robah ngaran kulantaran waditra nu digunakeun nya éta tarebang jeung dog-dog nu sadana “bring” jeung “brung”.

Ayana struktural-sémiotik kasenian Bring-brung timimiti pamaén, pakakas, waditra, prak-prakan, pungsi kaagamaan, pungsi upacara, pungsi pikeun média komunikasi pikeun masarakat, pungsi média atikan, pungsi média hiburan, ajén musyawarah, ajén gotong royong jeung ajén sosial.

Tina panalungtikan kasenian Bring-brung di Kalurahan Ledeng Kacamatan Cidadap Kota Bandung ieu bisa jadi salahsiji alternatif pikeun bahan pangajaran maca basa Sunda di SMA, hususna pikeun ngungkulán *Standar Kompetensi 12.3 Mampu membaca untuk memahami dan menanggapi bacaan yang berupa artikel, carita buhun, dan bahasan sarta Kompetensi Dasar 12.3.1 Membaca artikel tentang budaya* ngaliwatan artikel “Kasenian Bring-brung”.

5.2 Saran

Saréngséna ieu panalungtikan, aya sababaraha saran anu baris ditepikeun, pikeun:

5.2.1 Lembaga Kabudayaan jeung Pariwisata Kota Bandung

Lembaga Kabudayaan jeung Pariwisata Kota Bandung dipiharep leuwih merhatikeun jeung leuwih ngainventarisir budaya jeung seni hususna kasenian tradisional nu aya di Kota Bandung kaasup kasenian Bring-brung.

5.2.2 Siswa, Mahasiswa, jeung Guru

Ieu hasil panalungtikan téh dipiharep bisa jadi bahan pangajaran seni budaya atawa budaya Sunda. Mudah-mudahan masih kénéh teu puas ku ayana hasil ieu panalungtikan, ku kituna dipiharep boga kahayang pikeun ngaguar leuwih jero atawa garapan anu leuwih husus kana ieu kasenian Bring-brung.

5.2.3 Masyarakat Umum

Ieu panalungtikan dipiharep bisa jadi hiji sarana pikeun masyarakat umum mikawanoh jeung mikaresep kana kasenian Bring-brung nu aya di Kalurahan Ledeng Kacamatan Cidadap Kota Bandung salaku kasenian tradisional nu aya di Jawa Barat hususna budaya Sunda. Leuwih bisa ngamumulé kana budaya Sunda nu aya disabudeureunana sangkan teu leungit.